

ՀՌՈՄԵԱԿԱՆ ՆՈՐԱՀԱՅՏ ՈՍԿԵԴՐԱՄ

1961 թ. ապրիլին Հայկական ՍՍՀ Արարատի շրջանի Նոր կյանք գյուղի տարածքից (Հոսող սովակի ափին) դաշտային աշխատանքների ժամանակ հայտնաբերվել է ոսկյա դրամ¹ Թողարկված հռոմեական ներոն կայսրի զահակայության տարիներին (54—68 թթ.):



Դրամը թողարկվել է Հռոմի դրամահատարանում 66—68 թթ.³:

Քննվող դրամը գտնվել է Հին Արտաշատի թաղամասերից մեկում, որի տարածությունը ներկայումս պատկանում է Նոր կյանք գյուղին: Այնպես որ հռոմեական ոսկյա դրամի հայտնաբերումը միջազգային առևտրի խոշոր կենտրոններից մեկում պատահական չէ: Ինչպես հայտնի է, Հռոմեական կայսրության շրջանում հայկական դրամների թողարկումը դրեթե դադարեցվեց: Այդ ժամանակաշրջանում Հայաստանի դրամական տնտեսությունում որոշակի գերակշռություն է ունենային հռոմեական դրամները: Սակայն դրանք Հայաստանում, ըստ Լրևույթին, անմիջապես լայն տարածում չեն ստացել: Այդ և լիկալում հատկապես Օգոստոս կայսեր դրամների տարածումը Հայաստանում⁴:

Քննելով Հայկական ՍՍՀ տարածքից հայտնաբերված հռոմեական դրամները, զայիս ենք այն եզրակացություն, որ տակավին հռոմեական ոչ բոլոր կայսրներն են ներկայացված իրենց դրվագումներով: Այսպես, մինչև օրս արձանագրված չէ ներոնի զահակայության տարիներին դրվագված և ոչ մի արծաթյա կամ պղնձյա դրամ



Դրամի առաջին երեսին պատկերված է կայսրի գլուխը՝ դափնեպսակով, դեմքով դեպի աջ, շուրջը գրություն՝ IMP NERO CAESAR AVG P P, երկրորդ երեսին պատկերված է Սայուս դիցուհին՝ փահի վրա նստած, դեմքով դեպի ձախ: Նա առաջ պարզած աջ ձեռքին բռնել է սպտարադի սկիհ. ներքևում SALVS գրությունն է: Դրամը երկու կողմերից եզրափակվում է ոչ լրիվ կետավոր շրջանակներով:

Դրամի տրամագիծը 18 մմ է, բաշը՝ 7,22 գ.: Այն պահվում է Հայաստանի պատմության պետական թանգարանի դրամագիտության բաժնում (մ. մ. № 15260)²:

¹ Դրամը հայտնաբերել է Նոր կյանք գյուղի բնակիչ Մյասնիկ Սարիրեկյանը. այդ մասին մեզ տեղեկացրել է պատմական գիտությունների թեկնածու Ա. Ավագյանը, որի համար հայտնում ենք խորին շնորհակալություն:

² H. Mattingly, Coins of the Roman Empire in the British Museum, v. I, London, 1965. Դրամի առաջին երեսը ինչպես № 79 (էջ 211), երկրորդը՝ № 87 (էջ 212):

³ Նույն տեղում, էջ CLXVI:

⁴ Г. В. Саркисян, Монеты с изображением Августа и Армении. Проблемы античной истории и культуры (Доклады XIV международной конференции античников социалистических стран «Эйрене»), т. I, Ереван, 1979, с. 249.

(թեպետ դրանց առկայությունը չպետք է բացառել), իսկ ներկայացվող դրամը առաջին և զեռնս միակ ոսկյա օրինակն է:

I դ. Հայաստանում ոսկյա դրամներ չեն շրջապտել, համենայն դեպս անգամ Տիգրան II-ի և նրա հետնորդների ժամանակ այդպիսի դրամների թողարկումներ հայտնի չեն: Այդ պատճառով, ներմուծված ոսկյա դրամների քանությունը ունի կարեոր նշանակություն Հայաստանի դրամական շրջանառությունը առավել որոշակի և հստակ ներկայացնելու համար:

Մինչև օրս Հայկական ՍՍՀ տարածքից հայտնաբերվել են Հռոմեական կայսրության ժամանակաշրջանում ղրվագված միայն երկու ոսկյա դրամ (աուրեոսներ): Մեկը 1973 թ. Քառնիում գտնված Տիբերիոս կայսեր (14—37 թթ.) օրոք ղրվագված աուրեոսն է (տրամագիծը՝ 18 մմ, թաշը՝ 7,78 գ), որը պահվում է Հայաստանի պատմության պետական թան-

գարանի դրամագիտության բաժնում (մ. մ. Ն 19658)5, մյուսը՝ քենվոդ նորահայտ դրամն է:

Պատմական Հայաստանի հյուսիս-արևելյան շրջանի կենտրոններ Գառնիից և Արտաշատից հայտնաբերված այս երկու ոսկյա դրամները առաջին արձանագրված օրինակներն են, որոնք թողարկվել են I դ.: Թեպետ մեր տրամագրության տակ եղած դրամագիտական նյութերը մեծ չեն, այնուամենայնիվ դրանք հնարավորություն են տալիս վերականգնելու հին Հայաստանի դրամական շրջանառության ընդհանուր պատկերը:

ՀԵՆՐԻ ՍԱՐԳՍՅԱՆ

⁵ S4ⁿ H. Mattingly, նշվ. աշխ., էջ 126, № 46,